

Per il dretg a l'aua da baiver

■ (gsc) **Aua da baiver datti tar nus pli ch'avunda. Quai n'è betg dapertut il cas. Tenor las Naziuns unidas pate-schan var 700 milliuns umans en 43 pajais da mancanza d'aua.** Perfin en Europa vivan gruppas umanas en rela-zions da paupradad extrema, ed in mo-tiv da lur misergia è generalmain la stgarsezza u perfin assenza d'aua schub-
ra, uschè ch'i na pon respectar las nor-mas igienicas minimalas. Ma cun la glo-balisaziun crescha la schientscha per l'aua sco resursa fundamentala. L'Uniun europeica (UE) ha gist fatg attent a lezza realitad cun in act giuridic che las medi-as n'han betg relevà duidamain. Ils 19 da mars 2014 ha la Cumissiun europeica (CE), organ executiv da l'UE, acceptà l'emprima iniziativa civica promovida da 1 659 543 vischinas e vischins, la

quala ha cuntanschi il dumber minimal da sottascripziuns en tredesch stadis (www.right2water.eu). Lezza è intitula-da: «L'aua, cun in provediment sanitar fundamental, è in dretg da l'uman. L'aua n'è betg ina martganzia, mabain in bain public.» Parsura dal comité è Anne-Ma-rie Perret (president@epsu.org). In'ini-ziativa civica europeica basegna almain in milliun sottascripziuns ramassadas aifer dudesch mais en almain in quart dals pajais commembers (oz otg). Il text vegn lura discutà en il Parlament europeic cun participaziun da la CE, la quala ha il davos pled. Il diplomat slovac Maros Sefcovic, ses vicepresidente, ha declarà: «Burgaisas e burgais da l'UE èn sa pronunziads, e la CE ha dà ina resposta po-sitiva. Quai è l'emprim exercizi paneu-ropeic da democrazia civica. Sco conse-

quenza directa vegn ins a meglierar la qualitad da l'aua e las infrastrukturas.»* La CE è responsabla per l'applicaziun da l'iniziativa civica. Sco socialdemocrat e vischin d'in pajais cun grevs problems etnics e socials, cunzunt en sia part sid-orientala, enonuscha Sefcovic segir l'urgenza dal problem. En La Quotidia-na dals 13 da mars crititgescha Mario Pult ch'ina maiortad dal pievel svizzer haja pers il senn da la solidaritad, sco che la votaziun federala dals 9 da favrer haja palesà. Sperain che la CE mussia solida-ritad areguard la gliעד da quels abitadis «selvadis» da ses intschess nua ch'i manca l'aua da baiver.

* **Funtauna : Gasetta online «Actu-Environnement» (www.actu-environnement.com) dals 19 da mars 2014, edida da Cogiterra, 167 rue du Chevaleret, F-75013 Paris.**